



BOSNA I HERCEGOVINA БОСНА И ХЕРЦЕГОВИНА
URED ZA RAZMATRANJE ŽALBI KANCELARIJA ZA RAZMATRANJE ŽALBI
BOSNIA AND HERZEGOVINA
PROCUREMENT REVIEW BODY

Broj; UP1 01-12-1-8-2/22
Sarajevo, 28.07.2022.godine,

Rješavajući po zahtjevu Korekt d.o.o. Sarajevo i portal Etika .ba broj: 52-E-1/22 od 26.07.2022. godine, na osnovu člana 14. Zakona o slobodi pristupa informacijama u Bosni i Hercegovini ("Službeni glasnik BiH" broj: 28/00, 45/06, 102/09, 62/11 i 100/13), i člana 5. Poslovnika o radu Ureda za razmatranje žalbi broj 01-02-2-165-2/16 od 03.06.2016. godine, predsjedavajući Ureda za razmatranje žalbi donosi

RJEŠENJE

Odbija se zahtjev Kompanije Korekt d.o.o. i portala Etika.ba koji glasi: "*1.Koju proceduru URŽ slijedi pri zaprimanju informacija da su isprave falsifikovane što indicira na počinjenje krivičnog djela*"?
2.Odbija se zahtjev Kompanije Korekt d.o.o. i portala Etika.ba koji glasi: „*Na koji način URŽ vrši korektivne mjere ukoliko je koristio falsifikovan dokument u procesu odlučivanja o procesu javne nabavke?*“

O b r a z l o ž e n j e

Dana 26.07.2022. godine zaprimljen je preinačeni zahtjev, u skladu sa Zakonom o slobodi pristupa informacijama u BiH, Kompanije Korekt d.o.o. i portala Etika.ba u kojem se pozivaju na odredbe Pravilnika o unutrašnjoj organizaciji URŽ (član 26), kojim se uređuje javnost rada, te zahtjevaju da Službenik za informisanje URŽ proslijedi pitanja Stručnom kolegiju URŽ kako bi donio pravne stavove vezano za pitanja, te da ih izvještava o dinamici rješavanja istog, a koja glase:

1.Koju proceduru URŽ slijedi pri zaprimanju informacija da su isprave falsifikovane što indicira na počinjenje krivičnog djela?
2.Na koji način URŽ vrši korektivne mjere ukoliko je koristio falsifikovan dokument u procesu odlučivanja o procesu javne nabavke?

Pravo je svake osobe da zahtijeva pristup informacijama koje imaju javni organi kada to nije u suprotnosti sa javnim interesom.

Zakonom o slobodnom pristupu informacijama odredbama člana 4. do 11. utvrđeni su izuzeci, tako da se na osnovu ispitivanja svakog pojedinog slučaja, izuzetak od objavljivanja informacije, utvrđuje samo ako nadležni javni organ utvrdi izuzetak u smislu čl. 6. 7. ili 8. za cijelu informaciju ili dio informacije.

Zaštita ličnih podataka i sloboda pristupa informacijama su prava koja su predmet međusobnih ograničenja dozvoljenih u demokratskom društvu. Navedena prava su stalno predmet uspostavljanja međusobne ravnoteže, koja se postiže primjenom testa proporcionalnosti. Suština testa proporcionalnosti je postizanje balansa između zahtjeva javnog interesa s jedne strane i nesmetanog uživanja u pravima pojedinaca s druge strane. Zakon o slobodi pristupa informacijama Bosne i

Hercegovine sadrži test proporcionalnosti, koji se očituje kroz primjenu odredaba 8., 9. i 10. istog Zakona.

Po prijemu zahtjeva URŽ je poduzeo sve potrebne mjere da prikupi zahtjevano informacije, razmotri sve činjenice i okolnosti koje su značajne za obradu zahtjeva.

Naime, dana 15.07.2022. godine Kompanija Korekt d.o.o. i portal Etika.ba podnijeli su zahtjev shodno članu 26. Pravilnika o unutrašnjoj organizaciji URŽ koji propisuje javnost rada URŽ, putem e-mail-a, obrativši se Službeniku za informisanje URŽ, tražeći da zahtjev prosljedi Stručnom Kolegiju URŽ, i da ih obavještava o dinamici rješavanja.

U skladu sa Zakonom o javnim nabavkama poslove i zadatke iz nadležnosti URŽ obavljaju članovi URŽ u sjedištu u Sarajevu kao i filijale van sjedišta, u Banja Luci i Mostaru, koji su određeni odredbama ZJN koje se odnose na rad u Vijećima za odlučivanje po žalbama, Pravilnikom o unutrašnjoj organizaciji, kao i Poslovnikom o radu URŽ. Stručni Kolegij URŽ čini predsjedavajući i ostali članovi URŽ.

U skladu sa Pravilnikom o unutrašnjoj organizaciji URŽ predsjedavajući URŽ predstavlja i zastupa URŽ, u kojoj nadležnosti je i vođenje kancelarijskog poslovanja a što podrazumjeva i signiranje podnesaka, i određuje predmete javne objave.

S tim u vezi, utvrđeno je, da Službenik za informisanje nije mogao udovoljiti traženom zahtjevu s obzirom da sjednice Stručnog Kolegija, koje čine svi članovi URŽ, saziva i predlaže dnevni red predsjedavajući URŽ, a ne Službenik za informisanje URŽ, koji svoje dužnosti obavlja u skladu sa ovlaštenjima predsjedavajućeg URŽ a ne podnosioca zahtjeva.

Stoga je Službenik za informisanje od Kompanije Korekt d.o.o. i portal Etika.ba zatražio da zahtjev od 15.07.2022. godine uredi u skladu sa Zakonom o slobodi pristupa informacijama u BiH što je podnosilac zahtjeva i učinio dana 26.07.2022. godine.

Razmatrajući podnesene zahtjeve Ured za razmatranje žalbi je utvrdio da nije u mogućnosti udovoljiti traženim zahtjevima te nismo u mogućnosti ni dostaviti takvu informaciju tražiocu zahtjeva s obzirom da se pravni stavovi koje donosi Stručni Kolegij URŽ ne odnose na pravna pitanja za koja su već propisane odredbe u skladu sa važećim zakonodavnim okvirom na nivou Bosne i Hercegovine, a koja pitanja je postavio tražioc zahtjeva.

Naime, pravni stavovi koje donosi Stručni Kolegij URŽ, u granicama datih ovlaštenja, se odnose na pitanja po kojima se obavezno raspravlja, pitanja koja mogu predložiti članovi URŽ iz sjedišta u Sarajevu ili filijala u Banja Luci i Mostaru, a odnose se na dosljednost odluka na svim lokacijama, koordinacije i načina rada i rješavanja žalbi.

U skladu sa članom 113. stav 8. Zakona o javnim nabavkama, sva rješenja, zaključci URŽ i presude Suda BiH, po njima, se javno objavljuju na Portalu javnih nabavki u roku od pet dana od dana donošenja istih.

U skladu sa članom 16. Zakona o slobodi pristupa informacijama u Bosni i Hercegovini, podnosilac zahtjeva je oslobođen naknada ili taksi na ovo Rješenje.

Postupajući po zahtjevu podnosioca u skladu sa članom 14. Zakona o slobodi pristupa informacijama u BiH, odlučeno je kao u dispozitivu ovog rješenja.

[Type text]

UPUTSTVO O PRAVNOM LIJEKU:

Protiv ovog rješenja može se izjaviti žalba Žalbenom vijeću pri Vijeću ministara Bosne i Hercegovine. Žalba se izjavljuje putem ovog organa u roku od 15 dana od prijema ovog rješenja u dva primjerka. Može se i obratiti i Instituciji Ombudsmena za ljudska prava BiH na adresu: Ravnogorska br.18, 78000 Banja Luka, tel/fax 051/303-992.

**PREDSJEDAVAJUĆI
UREDA ZA RAZMATRANJE ŽALBI**

Marko Kolobarić



Dostaviti:

- Korekt d.o.o, Đoke Mazalića 2A, 71000 Sarajevo mail: bojan.bajic@korekt.ba;
- u spis.

☐: Dubrovačka 6., 71000 Sarajevo, BiH • ☐: +387 33 259 265 • ☐: +387 33
259 266

• urz@bih.net.ba • www.urz.gov.ba